

Odluka o izmjenama i dopunama Pravilnika o cijeni obrazaca ličnih dokumenata

Koristeći se ovlaštenjima koja su Visokom predstavniku data u članu V Aneksa 10. (Sporazum o implementaciji civilnog dijela Mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja gore navedenog Sporazuma o implementaciji civilnog dijela Mirovnog ugovora; i posebno uzevši u obzir član II 1. (d) istog Sporazuma prema kojem Visoki predstavnik "pomaže, kada ocijeni da je to neophodno, u rješavanju svih problema koji se pojave u vezi sa implementacijom civilnog dijela Mirovnog ugovora";

Pozivajući se na stav XI.2 Zaključaka Konferencije za implementaciju mira održane u Bonu 9. i 10. decembra 1997. godine, u kojem je Vijeće za implementaciju mira pozdravilo namjeru Visokog predstavnika da iskoristi svoj konačni autoritet u zemlji u vezi sa tumačenjem Sporazuma o implementaciji civilnog dijela Mirovnog ugovora, kako bi pomogao u iznalaženju rješenja za probleme u skladu sa gore navedenim "donošenjem obavezujućih odluka, kada ocijeni da je to neophodno", o određenim pitanjima, uključujući i (prema tački (c) stava XI.2) "mjere kojima se obezbjeđuje implementacija Mirovnog sporazuma na cijeloj teritoriji Bosne i Hercegovine i njenih entiteta";

Vodeći računa o članu 40. Zakona o ličnoj karti državljana Bosne i Hercegovine ("Službeni glasnik BiH", br. 32/01 i 16/02) kojim se zahtijeva, *između ostalog*, donošenje pravilnika o cijeni lične karte;

Imajući u vidu potrebu da se osigura efikasna implementacija Sistema zaštite identifikacijskih podataka građana;

Vodeći računa o činjenici da je za tu efikasnu implementaciju potreban adekvatan i stabilan izvor finansiranja;

Uvezši u obzir navedena pitanja u cjelini, Visoki predstavnik donosi slijedeću

ODLUKU

o izmjenama i dopunama Pravilnika o cijeni obrazaca ličnih dokumenata ("Službeni glasnik BiH", 39/02) kako je utvrđeno u daljem tekstu

Ova odluka, kao i izmjene i dopune u prilogu, stupa na snagu odmah i odmah se objavljuje u Službenom glasniku Bosne i Hercegovine.

Izmjene i dopune Pravilnika o cijeni obrazaca ličnih dokumenata

Član 1.

Član 2. alineja 1. *Pravilnika o cijeni obrazaca ličnih dokumenata* koja se odnosi na cijenu lične karte mijenja se i glasi:

" -	lična	karta
10,00 KM		
- troškovi servisiranja lične karte		
2,50 KM		
-	troškovi	izrade
formulara		1,00 KM"

Član 2.

Da bi se izbjegla eventualna nejasnoća, cijene utvrđene u članu 1. ovih izmjena i dopuna treba u svaku svrhu smatrati cijenama koje se primjenjuju od uključno prvog dana izdavanja lične karte.

Sarajevo, 22. februar 2003.

*Paddy Ashdown
Visoki predstavnik*